

百代公司

唱片曲本

百代公司唱片曲本第四期目錄

轟天雷之張繼昌勸嫂.....	一	女狀師之李文泰喜得妻憐.....	二
女狀師之李文泰被迫洞房.....	二	李文泰之衛輝府.....	三
轟天雷之戲叔.....	四	女狀師兄妹相遇訴情.....	五
卅年苦命女之店房夜怨.....	五	斬龍遇仙之神仙自嘆.....	六
背解紅羅太監黃雲罵妃.....	七	盲公問米之詭計.....	九
珠崖劍影之閨怨.....	九	外江封相.....	一〇
浪淘沙.....	一一	伯牙碎琴之說楚王.....	一一
楊太真馬嵬坡之飲恨.....	一二	轟天雷之刻薄成家.....	一三
雙飛蝴蝶.....	一四	三氣君王.....	一五
飄零女子之訴情.....	一七	滅火明珠之捧藥侍親.....	一七
殺子報之衲雲和尚.....	一九	唐宮怨.....	一九
魯伯爵痛改前非之魯顏羞.....	二〇	獻西施.....	二二

百代唱片曲本目錄

二

昭君怨	二三	鳳凰台	二四
玉哭瀟湘	二四	芙蓉誄	二五
小桃紅	二六	妻証夫兇之探監	二八
泣荆花之後門相會	二九	佳偶兵戎之會妻	三〇
怡紅憶舊	三一	珠崖劍影之懺悔	三二
風流天子之御園私會	三三	泣荆花之參禪	三三
情天血淚	三四	仇婚之憶恨	三五

百代公司唱片曲本第四期

轟天雷之張繼昌勸嫂 一頁

馬師曾

〔頭段〕（邦子慢中板）我聽佢一番，所講言辭，似乎，幾正氣，但係聽吓，落去，都不知幾多的穢語，兼共淫詞。佢初初敲門，話我亞哥使佢到來有件，要事。點知我，開門俾佢，佢率然下跪，噏起個句救命，上嚟。我查實他，喺處起勢噏救命，乃係醉翁，之意。（二段）你叫卑人，用何言回答，佢正得，合宜。倒不如，氣正詞嚴，同佢講吓，道理。嫂罷嫂，你家庭之內，從今之後，唔好攞出咁多，是非。我就算係，你大婆不仁，佢有難爲，於你。你都要，揸頸就命，至係妾侍。嘅所爲。況且我地男人，有邊一個唔係話鍾意，個個妾侍。所以家庭上，閨房你着數，講到禮法，大婆梗係，便宜。若然係，想樣樣都你着埋，叫個大婆點能，下氣

（三段）所以曉做人亞奶，得寵實係唔敢講俾，人知。你疇先，話嫂溺援手，實係無難之事。喂你總之要，從今之後，一於聽晒，我嘅言詞。實係你，兩個人

大小不和，你話關乜二叔，的便事。都無所爲，總要你上和下睦，咁就母晒，也也問題。喂你今晚到來，實係我亞哥知定佢唔知，咁你就請番去。皆因爲，男女兩個有別，大家有事被，嫌疑。

女狀師李文泰喜得妻憐

馬師曾

(全段)(戀檀慢板)真骨子，有人冚被笑微微。你估係邊個你唔知。係老婆冚落嚟。信得過佢有轉心意。若果唔係你想冚被你都唔使指意。秋風陣陣吹埋來。男子受得起。不若將的張被未冚番賢妻罷咯。

女狀師之李文泰被迫洞房

二只

馬師曾

(頭段慢滾花)我大叫一聲，喂喂喂我有新郎哥頂手。若果有邊個合意，我就濕地叩頭。(轉邦子中板)曾記得，當日打刼法場，將我未婚夫來拯救。皆因爲，佢衆寡不敵，迫我跳落，畫舫裏頭。個陣時，我以爲絕處逢生，可以脫離，個個虎口，又誰知，冤家路窄，債主，有頭。

(二段)遇着個個人，我素聞久仰佢係僞自由的魁首。佢常時都係，若果見左的白板仔，佢就合式，將佢收留。你話咁嘅人，正係廉恥全無，我話佢不如個隻禽獸。佢一見我，即刻命個妹仔，向我把婚來求。我個陣時，一見得有機可乘，噏重有話唔擎大個口，我話毋傷肝，總之放左我個老竇，至肯與佢共結，綢繆。點知佢，一啖應承，話若果係喜歡呢，我地姑娘無不肯將就。咁就帶我番來，不知佢用何法術，向佢亞哥哀求。被佢居居然，咁就講准左人情，當堂放左人情，當堂放左我個，老竇。

(第二段)但係今晚夜，你叫我李文泰點肯蛇鼠，同坵。若然係，唔肯洞房，梗要臨夜逃走。佢俟門內，森嚴守衛，又慌被佢截番我轉頭。若然係叫我入去洞房，又慌當堂就噏作嘔。真正係，專制婚姻，使我不得，自由。講到話靚個層，佢唔係生得唔靚，不過西施蒙不潔，叫我焉能將就。(收板)今晚監住我做盟鼻菩薩，消受冤臭豬頭。

李文泰之衛輝府

馬師曾

(全段)(邦子慢中板)簾晚刻發夢，真奇怪。夢見神仙叫我着草鞋。我話有靴你都唔着，都真毋解，他話我若然再係做官，心定有災難，俾我涯。點知一覺醒來。聽見人聲，嘈噏。却原來日上以三竿，掛放告嘅，招牌。所以我步出堂來來來來還飯債。(收板)幸喜得民安物阜，我以公道，爲懷。

轟天雷之戲叔 二只

陳非儂

(頭段)(慢中板)好二叔請爾坐一傍爾都無庸，拘禮。待奴奴，把一胸幽怨剖白。今時。我生不逢辰嫁着你哥身爲，妾侍。抱香衾，所請遑遑夙夜，自問實命，不如。奉箕箒。充作下陳，重慘過爲奴，爲婢。

(二段)又何堪，香消玉怨以至冷落，孤幃。况兼是，大婦不仁，真係絕無，天理。終日裏，將我嚙打，又將我嚙罵。咁就將我，好難爲。佢重有陣時，要水要茶，當我係六等，奴隸。點知我，個夫君又聽佢來擺弄，所以更令我，心遲。試問咁嘅情形，我信得過二叔，見左都有憐香，之意。滿懷苦衷。無人可訴，只有向二叔，來提，(三段)雖然是，男女授受不親，本不該夜深，到此。不

過聖人都有話。嫂溺援手，亦係何足，爲奇。望二叔，救我就生，唔救我就死，唔通你就由我，死去。望二叔，必須與我設法，維持。（快板）越思越想，心唔似，一心想去，念阿彌。富貴風流，難拋棄。思前想後，暗自悲啼。因此上與二叔呀，來來商議。望爾輕洒楊枝甘露，救吓個苦命女兒。

女狀師兄妹相遇訴情

陳非儂

（全段）（二王慢板）未開言來使我心中，傷透，講出了，衷情事忍不住珠淚，雙流。侯氏金華真真，荒謬。將楊其打死絕有，理由。我見事不平所以挺身，相救。被他追殺至有付落，江流。我陶氏玉顏今日多蒙，相救（滾花）你兄妹相稱，所爲何由。

卅年苦命女之店房夜怨

陳非儂

（頭段）（乙凡首板）苦命女，受災磨，好比穿心萬箭。（重句）（乙反南音）孤燈愁對，淚漣漣。飄零不貫受此熬煎。可歎白璧無瑕，何來污玷。思家情切，度日

如年。(二段)恨恨恨天不把眼來放。(重句)將奴來磨折，(正線)蒙冤不白抱恨，綿綿。鉄馬响叮噹。月影照東牆。珠淚濕羅衫。淒涼痛肝腸。幾迴使我淒苦，難言。那嬌花，被風吹殘，片片，又恐怕，一旦珠沉玉碎試問誰個可憐。思想起，我嬌兒，淚花，飛濺。(收板)紅粉飄零，不久命化，雲烟。

斬龍遇仙之神仙自嘆

一只

男女
名丑

廖俠懷

(頭段)(邦子慢中板)呢個地球中。金銀珠寶。有誰人多得。過我。自古道。財雄勢就大。勢大都係因爲。錢多。手板殺得人。隻手遮得。天過。金錢嘅魔力。你話大如何。得之者則生。不得者則死。何曾。有講錯。錢又可通神。使得鬼推車。更重使郁個閻羅。金錢得買命。大底人人。都聽過。就係講到錢。兄弟都唔和。鬼王都愛錢。重話寡人。好貨。重有的。睇錢嘅分上。跪倒喂豬婆。

(二段)十啗九爭錢。打到頭穿。額破。有的拜金主義。日夜。咁磨。更有的。個男人去還錢。女人享個屋企。嚟坐。一味去講派。唔理你朝夕。咁奔波。但

凡話出街。所着的粧頭。你睇見都分明。噲起火。個件衫。至多係尺零長。前便一個兜肚。後便一個半邊。銅鑼。(轉小調)睇佢裙又唔似裙。褲又唔似褲。拖到地隨地咁唔磨。手挽手包唔知幾婀娜。重話你有你呢。咪個打理我。慘過我好命。恨得我咁多。你話你的。我有我。使乜你理我。快快趣欄開的。(重句)咪個亂諦亂諦。奈乜野我何。(轉中慢板)呢的說話雖則係詼諧。知我恐怕。噲闖禍。千祈唔好得罪。財主婆。算我唔該唔該我都認番。句錯。好在我。噲隱形滅跡。幸得有塊。網羅。

背解紅羅太監黃雲罵妃

一只

男女名丑

廖俠懷

(頭段)(二王首板)俺黃雲。拚送殘生。罵聲淫婢。罵聲淫妃。淫婢。淫妃。淫婢淫妃。(陰鑼)(慢板)我與你。前世無冤。況且今世無仇。因何你將我。咁難爲。你本是。一只狐狸精。投錯胎。人世。正係人面獸心任性。莽爲。終日裏。搬道是非。

(二段)枕頭狀。不該亂奏人。良心。盡滅。宮幃內。許多功臣太監都係死在。

你把口嚟。蘇正宮。賜葡萄酒。此乃一場。心事。你唔該。心懷妬忌打得我血肉橫飛。你咪估。(急口令)悖住你生得靚。等我來數臭你。你蛇咁嘅頭。獅咁嘅鼻。蕉搖咁手指。東瓜咁大牌。斷稱百幾斤。腰夾着尺幾。豬鬃戴耳環。比較靚過你。真係(轉邦子慢中板)十倍。有餘。你個冤豬頭。偶遇着啫啫個昏君。盲鼻。若不然。你真係衰過做女。做陣時。

(三段)我地萬歲爺。莫道我瘋顛。不過我心懷忿恨。罵你貴妃。早知到該斬。有餘。我呢條命。輕於鴻毛。一死有何。足懼。惟是他。諸般詭計。日後不知甚麼。東西。吾的主。要顧住個江山。總要遠離。禍水。切不可。耽迷酒色。被佢。所愚。須知到。當日夏傑放南巢。皆因妹喜。個個紂王爲妃已。至有駕火。焚屍。周幽王。烽火戲諸侯。都係昏迷。個褒姒。楚項羽。烏江自刎。又係戀愛。虞姬。呢幾句。係我臨死嘅熱誠。咪當忠言。逆耳。個單野。分明是攞錯。人皮。(快中板)你份將來。無好死。縱然死左。都係喂狐狸。豬不食佢肉。狗不拉佢耳。虫蛀佢。蟻攞佢。吹佢。晒佢。天公行雷劈佢。個爛鼻。東西。

(完)

盲公問米之詭計

男名丑 廖俠懷

(全段)(邦子中板)我問一句。你個天天呀你真唔係。造乜生我個人。唔生我對眼。究竟意欲何爲。唔通我。前世睇得女人多。折墮今生雙眼閉。喂你地的今生對眼嘅。都要因住嚟。(轉慢中板)我的公盲。雙眼盲僥所以難作。工藝。無奈去從師。憑神搵食。想落無乜。輸虧。學喃嘸。首唔先滿口天尊。大帝。講到話占卦算命。重有一定。行規。用陰謀。無意中就查根。問底。三個錢。龜背敲幾吓。依樣講番。出嚟。個的迷信婦人。無知識。咁就以爲。靈過鬼。個陣時。我打蛇隨棍上。咁就亂吸。無爲。又話官鬼反。又話是非來。攬到佢週身閉翳。令佢要求我。叫我解災。兼解難。當埋條繩都要貼俾。我回歸。試問聲。呢的迷信。嘅女人你話係呀抑或。唔係。(白)唔怪得。天生天養。我的盲公未算。難爲。

珠崖劍影之閨怨 一二

著名唱旦 美中輝

(頭段)(二王首板)今日裏。陳秀英。傷心誰見。(轉二王反線)從此後。千秋夜月永別。年年。

(二段)生霞姐。何生我。竟爲。天厭真是。零仳身世。使我顧影。相憐。我何怨。復何尤。總怨紅顏。命蹇。又可恨。良緣雖訂。終屬。無緣。想當初。與春華。相纏。紅線。我所望。終身相託。偕老。百年。

(三段)儂愛他。柔情似水。也又羨我。美眷。正所謂。鴛鴦修到。不羨。神仙。又誰知。噩耗傳來。風雲。色變。悲迴首。骨肉流離。令我兩淚。潸然。紫霞。俠骨柔腸古今。罕見。窮途日。寄他籬下。敢爲悲受。人憐。

(四段)驚魂日。憂患餘生。又遭奸險。感霞姐。誅彼元兇出我。生天。我雖然。情有獨鍾。君有心存。他戀。(重句)(一流)痛我不辰之命。夫復何言。哭一聲我地年邁嚴親。從此永無相見。爲殉情思負劬勞。真是罪過於天。惟我慷慨赴死。何必泰山鴻毛之辯。唉我小謫人間。不過十八年。(完)

外江封相

著名
唱旦

美中輝

(全段)(小鑼橫竹)俺六國相僥救。東有那齊邦踞海州。南有那楚國荆讓地。北有那燕韓鋸蘇州。俺這裡用計謀。(雙思)三晉國結爲結爲婚姻。用文官理朝綱。掌國政修。用武將經營地在外州。經營地在外州。(雙思)望吾王再容。容臣再奏。這恩德何年何日才報答。恕微痛旦夕歸田畝。臣爹媽年邁。白髮滿花秋。告歸家侍奉左右。告歸家侍奉左右。

浪淘沙

小調

著名
唱旦

美中輝

(全段)(八板頭起)佳人生得肖。脂粉清。黛蛾眉。穿起綾羅衣。英桃小口一點紅。十指尖。甚溫柔。小小金蓮步來行。行路好比風擺柳。佳人生得靚。虧煞肖容郎。奴家好傷心。樵樓三鼓响。想起有情郎。好不叫奴家。珠淚兩行。自從郎君一別上京邦。並未有音回轉家堂。想起了從前事。夫妻一雙雙。夫妻一對對。攜手牙床。放下紅羅帳。雲雨上巫山。全歡暢。顛鸞倒鳳。兩家情長。恨春留不住。

伯牙碎琴之說楚王

一只

著名
武生

新金山貞

(頭段)(梆子中板)勸大王。少自誇英雄。甲富。聽爲臣。把利害情形細細。陳呼。想貴邦。雖則是雄稱。天府。又怎奈。齊魯強秦犬戎趙燕四處。分扶。衆諸侯。俱將是身如。狼虎。勇甲兵。一個個道寡。稱孤。倘若是。楚攻晉大張。旗鼓。機可乘。衆列國交伐。楚膚。

(二段)晉攻敵。他在家。只怕首尾。難顧。分兵勢。又恐怕士馬。疲勞。到不如兩修好止戈。爲護。衆強鄰。斷不敢窺視。分毫。一來是。息干戈免得人民。受苦。晉與楚。相友相助疾病。相扶持。這情形。計萬存並非。虛負。大王必要聽臣良言相勸。自然鞏固。皇圖。

楊太真馬嵬坡之飲恨 一只

著名武生

小蘇蘇

(頭段)(梆子慢中板)萬乘君。來敬奉這杯分離。酒釀。臨此景。我君臣隔別難吞。下腸。憶當年。寵愛奴正是恩如。山樣。朝承歡。晚共樂。我曲奏。霓裳。又誰知。樂極生悲。禍從。天降。到如今。蒙塵萬里。都是我惹出。波瀾。到馬嵬。衆六軍。心腸。變幻。他說道這場大禍。皆因我負累。君王。

(二段)定將奴。軍前定罪當堂。推斬。今日裏。好一似月缺。花殘。枉費你。一國之君。不能把奴救挽。至令得。珠沉玉碎死在。沙場。但只願。得勝回鑾凱歌。齊唱。你捨不得奴。難道奴捨得。君王。對此酒。有口難言。有話難講。喉硬咽。不能飲來敬。天堂。(轉快板)萬歲不必。情加慘。從前恩愛。附江瀾。流淚眼看。流淚眼。腸斷人對。腸斷皇。哭不成聲。叫句主上。縱然一死。都係爲你錦繡。江山。

轟天雷之刻薄成家

新劇 鉅子 林坤山

(頭段)(首板)施陰謀。奪家財。安然自在。(滾花)刻薄成家。至有這樣鋪排。(中板)一個人。未出娘胎。先要立心。行歪。與閻王。講明講白。至好由阿媽個肚。出來。你須講明。做仔要做大。做女要做盡。又要講明。有權有勢重兼大把。家財。常言道。孺女孺五臟。自然有嫁粧。來擺。你做狗仔嚟。先使錢頭。父母產業。俾你先享。一排

(二段)我重勸世人。千祈米話要立心。正大。忠忠直直。終歸乞食。大把鹹酸

苦辣日後俾你。來湮。僞語云。殺人放火。都重噲金腰帶。修橋整路。都噲無左。屍骸。故此我。乘病危先與妻謀把計。來攞。迫寫遺囑。欲把家財自己。撈埋。有誰知。成個牛精三弟。佢把我良謀。破壞。又點知到。佢明鎗易擋。我暗箭難防。我都早有。計排。

(二段)常言道。不毒不丈夫。效火燒屋。欲把全家。來害晒。等佢陷家產咯。用火葬咁就慳番的。棺材。而且呢陣。我唔理佢外家死絕。只顧得兩公婆齊全。況且家財係我。享晒。話我忤逆。唔見個雷公。唔通佢受在我私。咁就靜靜地。去暱埋掛。而家我。面團團。而作富家翁。你話何等。爽快。(收板)打跛脚。都夠享。你話其樂。何涯。

(完)

雙飛蛱蝶 (音樂)

新中華 兩大名班音樂員合奏
大羅天

(全段)(雙飛蛱蝶工尺譜) 尺六反六尺 工六工尺上土尺 六工尺工六尺反六尺 工六工尺上土尺 六工尺工六尺 工尺工尺乙土上尺工上 尺上尺工上 工尺工尺乙土上尺工上 尺上尺工上 上尺工六尺 上尺工六尺 工尺乙土

乙士 上尺六工尺 上尺上 五生五六反工六 五生五六反工六 尺工六工尺
 上士尺 工尺工六尺 工工六五生五六 五六五生六 工工六五生五六 五六
 五生六 六六六工六五生五六 工尺六工尺上 尺上尺工上 上尺工六尺 上
 尺工六尺 工尺乙士乙士 上尺六工尺上尺上 五生五六反工六 五生五六反
 工六 尺工六工尺上士尺 工尺工六尺 乙士士上尺工上士尺 工尺工六尺
 六五六五六工尺 六工尺上士尺 六工六尺

三氣君皇 二只

音樂 大家 盧少坡君 「即盧庚」

（頭段）（梆子首板）皇心中。最可愛。風流韻事。（慢板）點料到。公開歌臺。至於今日攪到旦夕。憂疑。心心恨。個個假女郎。

（二段）激得爲皇幾乎。要死。佢胆大包天。將皇帝撚化。擅自走出。宮幃。當此個陣時。真令孤。（南音）無名火。向天飛。又只見御妹佢走出嚟。請旨帶軍。捉拿佢去。誰知數月。空手回歸。個陣爲皇。真是噎肺。登時發令。太監朱宜。奔走四圍。通緝佢。如何消息經已報到。孤知。（中板）近日來。查知到歌

舞教員。乃係大帥。嘅親仔。佢當日。改男扮女。孤都不能說出佢嘅。面皮。悔當時。幾番籌謀。想着與他結成。連理。

(三段)倘若。認出廬山。孤就唔用咁多。心機。看將來。皇今日點能下得。淡氣。一定要。拿他回京。當堂斬首。在丹墀。(滾花)又只見歌舞教員。跪在金階地。待爲皇拔劍。把他命歸西。(介)且慢。(介)哦。(滾花)聽母后講來。令孤當堂噎肺。佢話歌舞教員。就係我妹夫嚟。唉。點解佢婚姻咁大事情。王都懵懵閉。他日仇人相見。叫孤有乜面皮。

(四段)呢一份大舅爺。孤都唔願做佢。究竟事情曖昧。得咁離奇。(中板)在金鑾。又只見母后御妹哀求赦他。之罪。皇今日。轆轤不定。心中未有。主持。況且他。口口聲聲要在於丹墀。撞死。回想着。身爲皇帝。豈可不孝慈幃。之最可惡。假女郎。時常與孤。作對。之若果係。將其赦免。豈非出籠之鳥。佢任意。橫飛。之若果係不准他求情。又恐怕母后御妹當堂。要死。總之手板又係肉。丰脊又係肉。真令孤惡以。維持。古語云。爲臣難。今日我爲君。非容易。他日對頭人。原是親妹夫。叫孤有何面目在於金殿嚟。口問心。心問口有何。妙

計。(收板)孤不若暫時准奏。然後再作籌躇。

飄零女之訴情

一只

音樂
大家

鄭少香君

(頭段)(西皮梵腔)都只爲。梁奸賊。太過不良。他持着。官高勢大。苦迫姻緣。有多少。斷腸事。今日對你。直啓。我本是。磨穿鐵硯。終日對月。詩題。(二段)(乙反邦子中板)怎知到。名落孫山此乃前生。註定。嘆緣慳。和福淺。至有聊病。嬌姿。今日裏。天隔一方。好比失羣。覓侶。閉門閭。遭凶暴。致惹叢生。荆棘。故鄉從念。真是無限。淒期。致令着。無伴孤舟。今晚對蒼。泣淚。斷腸人。望窮秋水。真正有氣。難舒。蒙官長。不棄我庸愚。苦判哀情。家事。把真情。來吐露。望你見諒。休疑。聽他言來。可作擎天。一柱。(滾花)佢胸可懷舟。非比藏刀男兒。

滅火明珠之捧藥侍親

一只

任碧珊君

(頭段)(慢中板)我此身，從何來要把良心，細問。念劬勞，當補報親母，深恩

。但十月懷胎，眠乾睡濕，唔得安樂，覺瞓，含茶與嚼飯，幾多辛苦至得，我成人。怪不得，前古人，孝順雙親得咁，誠懇。那丁蘭，曾刻木紀念，雙親。黃壽昌，棄官如弊屣，就把娘親，去搵。爲家窮，埋兒郭巨，天賜，黃金。求鯉黃祥，冷得咁交關，尙在寒冰，去瞓。重有個窮孝子，聽聞雷公响，就走去遮住，山墳。隆冬時，孟忠哭竹，喊得非常，要緊

(二段)象耕力田，個個就係大舜，之君。乳哺姑，崔氏賢孝，實在係世間，難搵，那孔融，六齡童子。都噲懷橘，奉老人。閔子騫。慘痛蘆花。令人。可憫。大賢人。那子路米糧背負不怕。艱辛。孝感動天庭。至令董永佢相會瑤池。仙嬪。深山求鹿乳，幾乎喪命好彩遇着個個慈善。將軍。孝順還生孝順子。忤逆還生忤逆兒。呢句說話人人都講到。熟品。烏鴉都有反哺之義。羔羊都有跪乳之恩。走獸飛禽。尙且腦根。深印。真正係。簷前滴水。不差分。皆因爲。我娘親。却被病魔。所困。本該要。忘餐廢寢服侍。慇懃。吾這裏。進藥到床前。再把娘親。慰問。(介)問娘親。你近來病狀。怕略些。精神。(完)

殺子報之衲雲和尚 一只

李芳君

(頭段)(邦子中板)念貧僧，原本是少年，落髮。蒙爹娘，來送寺所以謝却，繁華。披袈裟，衣魚鼓，可算得清閒，樂也。坐蒲團，求佛法，不外欲泛，仙槎。每日裏，大雄殿求師，點化。棄繁華，和富貴，每日淡飯，清茶。昨日裡，有一個係文君，新寡。他說道，請我打齋超生夫婿，上雲霞。我從來，唔曉得塵世間，諸多，樂耍。

(二段)有誰知，佢將情挑動我，雪月，風花。俺誦經。娘眷戀。在於齋堂，笑話。更難耐。佢秋波斜視，頻頻引動，衰家。出家人，獨睡孤眠，原本是令人，可怕。況且係，齋堂寂靜他如孤鶩，我似，寒鴉。世間人，成仙成佛，恐怕此言，有詐。因此上，無心衣衲，想起玉樹，兼葭。才弄得，有經唔誦，不禁心猿，意馬。禪房內，前情回念。令我廢却，飯茶。從此後，與佛無緣，難望祥雲，輕駕。(收板)任是西方極樂，怎比得我富貴榮華。

唐宮怨 一只

音樂大家 張達偉君

(頭段)(二王首板)昭陽裏，思愴然，太真何處。(慢板)孤自從回鑾後。宮池已舊不見楊氏，型儀。

(二段)安祿山，謀篡亂，致令漁陽，鼓起。遷西蜀，出都門，腔惚狼狽王就千乘西馳。六軍譁，來請願，要把楊妃，賜死。迫皇負義縊殺，娥眉。馬嵬坡，委花鈿，究有誰人，憐惜。恨孤皇，貴爲天子，並無妙術可以，挽救，妃兒。龍馭躊躇不見玉顏，死處

(三段)朝綱國事，此後一概，拋離。翡翠衾寒你何會，夢至。香魂騎鶴西赴，瑤池。七夕良辰在於長生，殿裏。夜半無人與你私語，之時。往事思量不絕腮邊，懸淚。(滾花)霖鈴曲譜，紀念當時。最傷心臨別寄詞，詞中有誓。願隨卿九華帳內。鸛鵲相依。莫奈何死別生離，悠悠兩地。總願天長地久，恨無期。

魯伯爵痛改前非之魯顏羞

音樂大家 張達偉君

(全段)(中板)若問吾，因何故得如此，咁榮幸。不過係，我始思當日立下，功勳。蒙聖恩，官封伯爵，而且世代，襲廕。貴爲三等爵，富擁百萬金。故此我

，特住伯爵威，所作嘅事情，公理強權全唔，在問。我係官嚟嘅，造事怕也，橫行。縱然是，那報紙日日將我，議論。笑由佢笑，罵由佢罵，我亦不知，不聞。祇願住，我屋潤家肥，怕乜萬民，怨恨。（收板）但只願，從吾願不理冤害，他人。

（完）

獻西施 三只

著名
舊姬

桂妹師娘

（頭段）（小調）越范蠡。本具着。腔藏略。鬼神莫測機。保吾王。往吳地。生好計。回朝來。進西施。此意不差遲。時待之。養兵和蓄銳。一舉下。吳滅之。（白）下官范蠡字少白，可恨吳王夫差，侵犯我邦，將我君臣被執。到還罷了。要我越國。男臣女妾，凌辱難堪，幸喜得我君臣，忍辱負重，纔得放回，今奉大王之命。挑選美女，獻與吳王，迷亂他酒色，以圖國恨，正是長江放下釣魚線，那怕鰲魚不上鉤呀也，（插恩賢調）昔日裏，螳螂，去捕蟬。（二段）又遇着，黃雀兒，在後邊。黃雀兒，只被，金彈打。打彈的。之人，被虎傷。猛虎，傷罷，歸山去。又誰知，一個。古井，在路邊。

(三段)猛虎，跌在，古井內。又遇着，這個，古井，被土填。看將來，一報，還一報。仇報的。仇來，冤報冤。(白)噫吔好，正是仇報仇來冤報冤呀也，(四段)(二王慢板)恨其恨，吳夫差，把我國，侵犯。陷城池，傾社稷國破，家亡。只可嘆，衆百姓，生靈，塗炭。又將我，君臣被執受辱，難當。亡國恨，爲奴隸，真個是令人，可嘆。無能救，挽社稷，恢復，家邦。俺范蠡，孤忠一片正是臥薪，嘗胆。

(五段)養銳氣，誓報國仇滅却，吳王。無奈何，纔用着，美人，獻上。管叫他。酒色昏迷不理國政，朝綱。常言道，美人陣，勝過雄兵，十萬。任你是，蓋世英雄難過，此關。把國事，且慢題，步出船頭，觀看。又只見，江楓漁火一派，光芒。況且是，月朗風清，明星燦燦。觀不盡，綠水蒼蒼。白露霜霜。嶺嶺青青。夜靜水寒。這獨是漁翁在江心灣。漁翁在江心灣。

(六段)足踏條板。手扶竹竿。挽不住。把船灣。無浪驚起波生瀾。看罷了，夜中景，忽聽悲聲，怨唱。(二流)却原來西施妹，在此苦怨淒涼。捨身救國，何用長嗟短嘆。放開愁緒，且加餐。今日裏國破家亡，在你身上。但只願一計成

功，滅却吳王。

昭君怨

古調

二只

閨秀名家

巢楚貞女士唱

（頭段）毛延壽，存心不該不該喪盡了天良。禽獸心腸。畫我玉容奇醜樣。無恩無寵至今遠適去番。

（二段）思自想。想起我的漢君王。從此以後。悔恨難返。說也不盡。訴也不盡。了我的心傷。我的淒涼。兩淚汪汪拭不乾。又只見。那一傍。夾了一隻孤鴻雁。想必是失了羣。與我同病好悲傷。到不如，寫下了一封書章。帶到長安。多拜上滿君王。說道昭君捨了身。就把那一命喪在雁門關。今生不能來報上。多待等來生與我王。再來共結好鴛鴦。一對對一雙雙。同歡共樂度時光。（續下快中板）

（三段）（其一）回頭一望。回頭一望。千山萬山漢王在何方。再難望，相見漢劉王。昭君難捨又難忘。日映昭陽。寒鴉背上。朔漠無光。不覺淒涼。珠淚兩行。難抵當。（其二）回頭再望。回頭再望。三關五關。怎得見長安。盼長安。香

腮珠淚彈。要見漢王難上難。思念高堂。白髮蒼蒼。風燭一雙。劬勞拋放。骨肉分散。天各一方。(其二)回頭三望。回頭三望。一班二班。擺道。郎們來催。趨。昭君去和番。懷抱琵琶馬上彈。越思越想。窮廬爲帳。單于偃傍。拚命先亡。進退兩難難上難。我裂碎肝腸。(完) (接續)

怡情
音樂

鳳凰台

(工尺譜)

香港精武會音樂團

(全段)(回頭)土上工合 尺工上尺工 工尺上乙士上尺 土合土合合尺土上合
士合 工尺上乙士上工合 土合士合 六五六尺五反工六 工尺六工尺上 工
尺乙士合士 合士合士 土合土上尺工尺 工六尺工尺土工尺乙士上尺 尺六
反工六工尺上 工尺上土合士 土合工尺工 六上尺反工 (完)

玉哭瀟湘

三只

梁建勳君唱

(頭段)(二簧首板)懷往事，暗消魂，離愁莫遣，(重句)(二段)(慢板)概自從，
朱玉後，魄散神癡，愁羈病困，久未窺園。今重履，

（三段）故園林，懶步徘徊來至在瀟湘，舊館。景蕭蕭，人寂寂，杜蘅香飄，薇蕤泣斷，舊時台榭，化作，桃源。鶯啼倦，蝶影殘。琴碎人亡荒涼，一片。水聲幽，人鳴咽，猿愁鵲怨雨楚，風酸。

（四段）問日月，曾幾何，崔護重來竟是桃花，人面。溯前程，幾若夢，何堪回首再話，當年。叫一聲，顰妹妹，唉妹妹呀你記否斯時共你形影，相伴。繡閣霞烟，綠窻風月，綺情逸緻，韻事，如仙。再問聲，妹憶否，桃社聯詩，荒塋，葬艷。此流風，猶未遠，詩魂是否，倚傍，花阡。

（五段）今回顧，尙依稀，荳蔻稍頭仍是紫紅，開遍。祇奈何，零落後，葬花人渺再倩，誰憐。羣芳盡，玉花烟，詩纖竟成人比曇花，一現。花事闌珊，風流雲散，名花傾國慨付，雲烟。怨只怨，怨鳳兮，天上人間斷腸，寸寸。

（六段）問彩雲今何在，怨絕情天。懷舊館想音容，所思莫見。俯仰間無限恨，珠淚漣漣。徒自感復自憐，神思撩亂。（收板）速離中，疑倩影，倚徒花前。完

芙蓉誄

二頁

葉子莊君唱

(頭段)(二王首板)(寶玉生喉)悶懨懨，坐書房，相思難醒。(轉慢板)實可憐，黃土隴中，佳人薄命，虧煞我公子，多情。(過板)

(二段)雖則是，怡紅院，他本是身居，婢嬪。我與他，情投兩契勝於鸞鳳，和鳴。(過板)有誰知，獻讒人，在於堂上，咬讚。因此上，那情根反作，禍根。(三段)昨夜裡，在羅幃，方讒，就枕。朦朧間，神魂飄蕩，身赴高唐，因曾遇，娉婷。他說道，玉旨封他一個芙蓉，仙嬪。有許多，傷情說話與我剖腹，傾心。忽聽得，鷄乍鳴，他就無蹤，無影。到如今，夢中事情可以還記得，分明。只可嘆，仙凡路遠，難以，親近。(二流)倒不如我這裏，祭奠芳卿。來至在花陰下，陳列杯鼎。在此間忙下拜，(撒板)祝告多情。

小桃紅

香港精武會音樂團

(工尺譜) 一六五工六五 六五工六尺 尺士乙工工尺乙上六五生工五六 二士
乙尺工尺士乙尺 二 工尺士乙乙尺乙五六 五生工五六 二 工六尺上工六尺上

工。一五六五生六。五六五生六。生五六工六尺。上乙士上尺。尺上尺工
 六。五六工六尺。士乙尺工尺士乙尺。一五生工六五乙五六五。一士上尺。
 上尺上六五。五生工六五。一工六尺。一工五六工尺。工五六工尺。
 上尺工尺工。工六五生五六六五。乙五六五。工六五生五六六尺。工尺上
 尺工六。五六工尺上。工尺工尺乙士尺上六五乙五六五。一五六工六五生。一
 六生五六工六尺工上尺工。一五六反工。工尺上尺工。一五六工六五生。一五六生
 五六工尺。尺工尺上士上尺工六尺工尺。上。尺工五六工尺。工六
 尺工尺。五六六五。五六反工。一上士上尺尺上士上尺。生工六五。五生工
 六五。上士上尺尺上士上尺。生工六五。五生工六五。一。生工六五五生工六
 五。一。生工六五乙五六五五六六工尺尺五六反工。尺工上尺工六尺上工。一六

五六五生六。反工尺工六尺。尺士乙工工尺乙士六五生工五六。

(小桃紅完)

妻証夫兇之探監

唯一
小生

白駒榮唱曲

名班
絃索

拍和

(幫子中板)國賊奸謀，情可恨。開門揖盜，不成人。蟠龍橋下，追踪緊。槍聲一响，要佢命喪。歸陰。可笑係張良，空積憤。博浪沙前，擊暴秦。副車誤中，長遺恨，居然不及，我槍法如神。正在思量，發槍個陣。忽聞呼喚，爲何因。莫不是法場，將我罪問。仰或監房，探候，是誰人，舉步上前，來一問。(介白)噫吔(轉滾花作怒唱)原來係你個個對頭人。昔日在公堂，頂到我緊，面皮厚極，人面獸心。所謂同你未婚夫婦，全無慚忍。還記得當年落馬，個個蒙面人。落井下石想吓你呢種女子，令人打冷震。催命之符，重來頻。我視死如歸，無所恨。冷笑一聲，惟有拂袖而行，(介)我有我在監牢，來受困。使乜你裝模作樣，假意殷勤。你佛口蛇心，來慰問。簪箕冚鬼，一窩神。喂，此後你鍾意別人，即管另搵，朝三暮四，都係你個流人。我原本一個高潔之身，唔該同你理論。(白)公子慢走，(收唱)魯公子，何必走得咁頻。

泣荆花之後門相會

(二簧慢板)昔才間，在禪房參禪，參禮，吾正在，蒲在合什念僅，阿彌。忽聞聽，後門外何以噓嘈，吧閉。因何故，三更半夜重有乜誰，到嚟。聽真佢，慳慳聲是個女人，聲氣。出家人，總總不理不理不理，是非。莫非是，夤夜私奔這個紅拂，有意。莫非是，山精妖怪與共個隻，狐狸。須知到，我佛門，明鏡之台乃係菩提，淨地。豈容你，妖魔鬼怪動我，凡思。或者是，你今晚到來欲想同我傾吓，佛偈。只望着，我地佛門，保佑等你生個，嬌兒。我本是一個出家人，方便爲門乃是慈悲，爲主，。還須要，講明講白免我，懷疑。(介)聽罷了，門外人所講，言語。却原來，林氏女是我當日，髮妻。皆因佢昨日拈香到來，吾寺。佢同行有一個男子與佢形影，不離。既嫁於人從此，了事。因何今晚還重，到嚟。失節重婚我唔怪，於你。我都心持消極左略口念，阿彌。須知冤家有頭，債還，有主。情緣兩字讓彼過，人痴。從此與你斬斷夫妻，情義。你快些回去同佢夫唱，婦隨。(介)任你講盡千言我都當爲，虛語。我身爲

和尚略重有也，心機。自古出家容易前人，有語，歸家個的難處你知到，唔知。自問今生唔對得，你住，望你海量汪涵恕我，爲宜。要我開門唔使，止耳。是關瓜田李下事被，嫌疑。（滾花）聽聞門外，要生和要死。話我閉門不納，觸怒左佢娥眉。我原本同佢結髮之情，佢又並無過處。又請可相逢不面，做一個陌路蕭兒。爲是既出了家，已把七情放棄，豈可無辜一旦，動了凡思。所謂進退兩難，爲有求佛吓你全我做主。（介）聽聞門外，慘淒淒。令我出家之人，心胆已碎。姑娘還要，珍重爲宜。

佳偶兵戎之會妻

（戀壇慢板）想孤家。謂梓童。遭奸所害。太無良。死別生離。孤這裡。淚如珠。嘆我無能爲。

（其二）今日裏。聞得他。復生還。喜在心。破鏡重圓。老賢卿。必要你。小心爲宜。

（戀壇中板）那鴛鴦。本是林中之鳥。他日間並翼而飛。晚來交頸而宿。皇與恩

妻。交情日久。一旦分離。這等看將起來。人到不如鳥乎麼。妻呀。罷了我得恩妻。恨煞對對鴛鴦。波浪裏。

怡紅憶舊

李芳君唱

（滾花）淡雲寒葉，千林瘦。憑欄閒眺，遠凝眸。今晚日蒼天寒，冷翠袖。虧我蕉心難展略，恨悠悠。（中板）曾記得，你初進大觀園，兩人把情根，種就。妹無兄不樂，兄無妹不歡，可謂情意，相投。我愛他，貌如滿月，眉似春山秀。還可愛，娉婷婀娜更兼善病，工愁。小蠻腰，玉立停停好似風前，楊柳。論歌詞，文壇詩社，你重更勝，一籌。如此可人如此俏麗，堪稱無中僅有。大觀園，金釵十二你獨出，人頭。每日裏，兄愛妹憐，只望親上加親同諧，白首。有誰知，多情天妒忌，惹起了非短。長流。連二嫂，他說道你弱不勝衣，難比得寶釵，福厚。才弄得，姻緣注錯，至今你騎鶴，西遊。癡心人，聞你臨終說話令我神魂，不守。好似係啞食黃連，有話難講略苦上，心頭。想自從，你玉殞香消把我色空，參透。有日裏。上穹碧落相逢妹妹拆白了呢一段，因由。爲妹

妹，情苦透。背人流淚。濕衾頭。叫襲人，帶路快把怡紅，路走。(介)又只見
衰老垂楊，舞陌頭，淡影歸帆，黃昏後。疏林斜掛，月一鉤。往日哩段癡情，
今日化爲，烏有。(收板)只可嘆，瀟湘沉恨，把你艷跡空留。

朱崖劍影之懺悔

(二簧首板)洒不了，多情淚，痛佳人薄命。(重句)(慢板)真可嘆，媧皇已杳，
情天莫補，任教精衛恨海，難填。(介)想當初，在朱崖道，良緣未斷幸遇紫霞
，救命，犯將令，蒙卿垂救，足見你恩深情重義正，詞嚴。你感深恩，故此殉
情死。成就。姻緣都係我一時，錯見。傷心日，人生到此夫復，何言。今日裏
，蹈斷銀河，使我難以，見面。至令我，痛到悠悠死別能不抱恨，綿綿。回首
前塵今日情心，已免。梵經數卷反覺，安然。在佛前，座誦幾句，(轉梵音)一
注返魂香，通經三界，三界路，惟願大慈悲，超離三途，三途苦，靈魂從此一
去上南宮，一旦無常歸何處，人生百歲如在夢中遊，速登無上菩提，菩提路，
無上願靈魂，常願靈魂早超，早超昇，喃無薦往生菩薩，摩訶，摩訶薩，(乙

凡二王）誦罷幾聲願你早出，生天。最可嘆，九月重陽卿你憑誰，祭奠。清明時節你野墓，誰憐。卿惟有，託秋虫，悲鳴，秋怨。或者化爲杜宇淚洒，（正線）春前。種好因，定然修善果，豈不是我我兩人前世多行，不善。（滾花）此後良辰美景，盡是奈何天。真正無情勝多情，相見曾（僧音）如不見。佳人已死，夫復何言。清罄聲聲。似喚我癡魂早轉。勸我回頭是岸，脫離孽海三千。

風流天子之御園私會

（滾花）見娘娘哭。得個難分難分解。佢口聲聲，埋怨着我地主上不該，聽聲音，好比鶴叫鵲啼，真是令人可愛。唉你來看，情形這樣，令我好不癡呆。只可嘆誤種情根，錯投孽海。又可憐，佢梨花帶雨，珠淚盈腮。走上前，對娘娘我又拱身下拜。你可知到相憐同病，就在眼前來。

泣荆花之參禪

白駒榮唱

（二簧首板）棄紅塵。去修行出了家（重句）阿，彌，阿，彌，陀，阿彌陀佛。昔

日裏，有一個目連僧。佢救娘出獄，地獄問借問靈山有多少路途。他說道：「萬八千有餘里數，非輕容易到此途。咁咁喃無佛。每日裡。坐禪房參拜如來，佛祖。有燈光。和塔影。長伴香爐娜啞呀。」

情天血淚

桂妹師娘唱

（二王首板）情驚，飛去。竟成長恨。（重句）（滾花）這都是閻王有令。召我地意中人。移步到靈前。都要表表情份。好一比無情寶劍。降在我身。（訴冤頭）恨恨天不把我憐憫。（重句）割了我情根。（慢板）罷了我地好。罷了我地好。好嬌愛卿呀。這都是。愛情兩字今日化作。煙雲。皆因為。你地鏡中人。令你自抱琴彈出了顛聲。倒韻。巫山洞。重門加鎖你都難以略。進行。想必是。你為愛情。所愿是非致有傷心。身殞。我今日。在靈前。念幾句。（轉戒定真香）戒定真香，焚起冲天上，弟子虔誠，熱在金爐放頃刻粉紵，即遍滿十方，昔日耶輸，免難消災障，喃無香雲蓋菩薩摩訶薩（轉乙反腔）念罷幾聲迴度。亡魂。莫非是。我與你。無緣。無份。淚難乾。羅幃空守暗自。消魂。但願你。到陰曹府。

。要聽閻王。語訓。又恐怕。冥冥地府。渺渺黃泉。靈魂飄渺到大羅天。飲過黃河三淡水。只怕投生再世難以成人。用手兒。燒負紙錢。珠淚。難忍。二流。從今後難望與你。相愛相親。勸嬌呀到西方。莫圖脂粉。盈盈珠淚。濕透羅衿。

仇婚之憶恨

肖麗章唱

(中板)傷心人。爲情牽誰，憐憫。天呀天，賦生儂，奇逢良友，何以雅結，朱陳。憶當年。在荒效適與多情，親近。兩目傳情，羨他才貌加以爲我，殷勤，自從邂逅，他一陣，夢中再會，倍銷魂。可憐兩姓不和，興兵刃。我自訪家兄，身臨戰地，他冒險拯救我，難中人，今日裡，結草啣環，儂心心，記謹呀。待等我手中全愈，都要答謝恩人。(慢板)閨幃裏，顧影自憐，頻增，煩悶。儂今日，滿懷心事，真是有口，難陳。曾記得，遇險荒效多蒙他拯救危困。恩深如海，荷德如山重，本該答謝，頻頻。有魚書，曾寫便，等候紅娘與我傳遞，細稟。恨未能，親呈奉，怎奈無由見面枉耗了，精神。(嘆板)想奴奴原本是

癡情一份，虧煞我吞聲飲恨，有邊個爲我做個冰人，自從與他分袂。都是綿綿長恨。今日裡悶腸百結，都是待等我殷懃。從此情根種下，好比愁城坐困。縱有哀情滿腹，我亦難說君聞，莫非一別就難逢，叫奴心心點忿。有仰天憐憫，或可共鴛羣。(中板)正所謂癡情兩個字，堪人恨。姻緣，暗傷神。秋水望穿，難親近。郵書未遞，意中人。寒風徹骨吹陣陣。杜鵑啼血，不堪聞。莫不是薄命紅顏，如斯命運。(收板)劇憐長夜，惆悵頻頻。